

AINA ISDAL HAUGLAND

Mobilnummer

907 17 615

E-postadresse

ainaisdal@outlook.com

Kontonummer **** * 09417**Vedtaksdato**

10.12.2022

Vedtaket er gjort av

Alver kommune

Søknadsdato

15.03.2022

Vår referanse

2022/2468, Agros 186129

Vedtak om tilskot til spesielle miljøtiltak i jordbruket – Steinløe

Samandrag: Alver kommune har vedtatt å innvilge opptil 40 000 kroner i tilskot til AINA ISDAL HAUGLAND til Steinløe. Frist for å gjennomføre tiltaket og rapportere er 01.11.2025.

Alver kommune viser til søknad av 15.03.2022.

Bakgrunn i saka

AINA ISDAL HAUGLAND søkte om tilskot til spesielle miljøtiltak i jordbruket 15.03.2022. Du søker om totalt 56 000 kroner i tilskot for tiltak perioden 18.04.2022-22.10.2023. Totalt kostnadsoverslag for tiltaket har du utrekna til 113 000 kroner.

Det er sendt inn oppdatert kostnadsoverslag som syner kostnad på kr 183 250 kr + eigeninnsats på totalt 43 timar. Det er søkt om tilskot til å leggja nytt tak på ei steinløe/ gardflor på GBNR 185/5 Isdal. Steinløa har stått utan tak i mange år. Bygget er ellers i grei stand, men det kan vere trong for nokre mindre reperasjonar på murverka.

Det er drift på garden ved at innmarka er bortleid til slått og beite for sau.

Grunngjeving for vedtaket

Føremålet med tilskot til spesielle miljøtiltak i jordbruket er å fremje natur- og kulturminneverdiane i kulturlandskapet i jordbruket og redusere forureininga frå jordbruket, utover det som kan ventast gjennom vanleg jordbruksdrift, jf. [forskrift om spesielle miljøtiltak i jordbruket](#) (SMIL-forskriften) § 1.

Ein kan innvilge tilskot til føretak som oppfyller vilkåra i forskrift av 19. desember 2014 nr. 1817 om produksjonstilskot og avløysartilskot i jordbruket § 2 og § 3 eller § 4.

Tilskot kan også gis til eigar av landbrukseigedom dersom det går føre seg ein produksjon på landbrukseigedom som oppfyller vilkåra for tilskot etter forskrifta som nemnt over. Om du sjølv ikkje eig landbrukseigedom til taktet skal gjennomførast på, må det ligge føre løyve frå eigar til gjennomføring av prosjekt eller tiltak som nemnt i SMIL-forskrifta § 4 og § 5.

Søkaren må også oppfylle vilkår i forskrift av 1. juli 1999 nr. 791 om gjødslingsplanlegging. Det skal også førast journal over korleis plantevernemiddel som blir brukte, med opplysningar som nemnt i SMIL-forskrifta § 3 tredje ledd.

Administrasjonen meiner at tiltaket er i tråd med SMIL-ordninga sitt formål. Restaurering av tørrmurar og småhus er prioritert etter gjeldande SMIL-strategi for Alver kommune. Isdal er eitt av få klyngetun som er att i Hordalandsbygdene. Tunet har høg status som verneverdig kulturminne. I kommunedelplan for Lindås er Isdal lagt ut med omsynssone bevaring av kulturmiljø. Garden Isdal ligg i eit område der muring med naturstein er ein vesentleg del av byggjeskikken. Steingardane og gardflorane på Isdal er godt bevarte og er ein grunnleggande del av kulturlandskapet og kulturmiljøet på Isdal. Det er særst positivt at ein no vil leggja nytt tak for å ta vare på gardfloren for ettertida.

Gardfloren er lett synleg både frå FV57 og frå den Trondhjemske Postvegen som går gjennom tunet på Isdal. Området er mykje brukt til friluftsliv og rekreasjon og denne gardfloren ligg rett ved stien som går over innmarksbeitet. At gardfloren vert restaurert og tatt vare på vil dermed vere til glede for mange.

Godkjent kostnadsoverslag

Søkar har sendt inn oppdatert kostnadsoverslag, dette er lagt til grunn. Tal timar på eigeninnsats er noko redusert ut frå erfaring med liknande prosjekt. Landbruksavdelinga har vedtatt å gje tilskot på drøyt 20% av kostnaden. Bakgrunnen for at det er sett ein noko lav tilskotssats er at søkar har mange andre søknader inne i gjeldande søknadsomgang og at det kan framstå som urimeleg at ein søkar får ein uforholdsmessig stor del av potten. Av alle tiltaka det er søkt om er dette det tiltaket som det vil vere enklast å få andre midlar til, som til dømes kommunale kulturmidlar eller kulturminnefondet.

Tiltak	Kostnad (kr)
Materialer	74 500
Arbeid tømrar 116 timer	89 900
Overnatting 4 dager	5 600
Transport av materiell	7 500
Servicebiler	5 750
Egeninnsats transport, 6 timer	2 100
Egeninnsats avfallshandtering og anna, 8 timer	2 800
SUM Kostnad	188 150
Tilskot	40 000

Alver kommune har vedtatt å innvilge opptil 40 000 kroner i tilskot.

Vilkår for tilskotet

Frist for å gjennomføre tiltaket og rapportere er 01.11.2025. Dersom du ikkje overheld fristen, fell tilskotet vekk.

Innvilging av tilskot inneber ikkje at tiltaket er godkjent etter anna regelverk, som til dømes plan- og bygningslova, kulturminnelova, naturmangfaldlova, vassressurslova eller forureiningsforskrifta. Du må sjølv skaffe deg slikt løyve dersom det trengs, og dette må du gjere før du går i gang med tiltaket du no har fått tilskot til.

- Restaurering av gardfloren skal skje i samråd med kulturverntenesta i Nordhordland
- Tiltaket skal utførast i tråd med antikvariske retningslinjer. Ein bør strekkja seg etter å nytta materialer, dimensjoner og handtverksteknikker i samsvar med opphavsleg utføring.

Frist for gjennomføring av tiltaket er sett til inntil tre år frå tildeling. Det kan søkjast om utsetting av arbeidsfrist i inntil to år ut frå skriftleg grunngeving, seinast ein månad før oppsett frist går ut.

Løyvd tilskot kan trekkjast attende heilt eller delvis dersom det oppstår tilhøve som er i strid med føresetnadane for ordninga jfr § 10 i forskrifta om spesielle miljøtiltak i jordbruket.

Rapportering og utbetaling

Når tiltaket er gjennomført, må du sende inn dokumentasjon på at tiltaket er gjennomført etter dei vilkåra som er sett i dette brevet. Du skal rapportere om måloppnåing og bruken av tilskottet slik rapporteringsskjemaet angir.

Sluttrapport skal innehalda:

- Utfylt rapporteringsskjema for eingongstiltak/investeringstiltak, inkludert rekneskap. Rekneskapet bør settast opp slik at det kan samanliknast med kostnadsoverslaget i søknaden.
- Timeliste som dokumenterer eige arbeid
- Bilag på innkjøpt materiell og arbeid
- Foto av utført tiltak

Alver kommune betaler ut det innvilga tilskotet etter at du skriftleg har bede om det, og når vi har godkjent rapport og sluttrekneskapen for prosjektet eller tiltaket. Du kan be om utbetaling digitalt via Altinn.

For eitt-årige eller mindre prosjekt skal utbetalinga som hovudregel skje etter at prosjektet er avslutta. For fleirårige tilskot kan det vere aktuelt å betale ut delar undervegs i prosjektperioden. Delar av tilskotet kan utbetalast etter kvart som du godtgjer framdrift i gjennomføring av tiltaket og vi har godkjend rapporteringa. Minst 25 prosent av tilskotet blir halde attende til tiltaket er fullført og sluttrapporteringa er godkjend.

Landbruksdirektoratet sitt rapporteringsskjema for eingongstiltak/investeringstiltak skal fyllast ut og leggast ved når du ber om del- og sluttutbetaling. [Bruk denne malen](#)

Godkjent kostnadsoverslag for tiltaket er 188 150 kroner. Dersom kostnader for å utføre tiltaket er lågare enn godkjent kostnadsoverslag kan tilskotssummen bli justert ned.

Kontroll

Kommunen, statsforvaltaren og Landbruksdirektoratet kan gjere kontroll etter SMIL-forskrifta § 9.

Omgjering, tilbakebetaling og motrekning

Vedtak om innvilga tilskot kan bli gjort om og utbetalt tilskot kan bli kravd betalt tilbake etter SMIL-forskrifta § 10 dersom det blir avdekka tilhøve som er i strid med det som er føresettt ved innvilging av tilskotet.

Klagerett

Du kan klage på dette vedtaket til Statsforvalteren i Vestland. Send klaga til Alver kommune. Vi vil sende saka vidare til Statsforvalteren i Vestland dersom vi ikkje gjer om vedtaket. Klagefristen er tre veker etter at du har motteke dette brevet, jf. forvaltingslova § 29. Du kan òg be om å få sjå dokumenta i saka, jf. forvaltingslova § 18 og § 19.

Meir informasjon

På [nettsidene til Landbruksdirektoratet](#) kan du finne meir informasjon om spesielle miljøtiltak i jordbruket.

Med helsing
for Alver kommune

Saksbehandla av: Marie Victoria Rekdal Skogrand

Godkjend av: Laila Bjørge